

# ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

## ՈՐՈՇՈՒՄ

«16» ապրիլի 2021 թվական

N 332-Ա

ք.Ստեփանակերտ

**ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՍՊԱՆԴԱՆՈՑՆԵՐԻ, ԱՆԱՍՆԱԲՈՒԾԱԿԱՆ ՄԹԵՐՔՆԵՐԻ, ՀՈՒՄՔԻ ՎԵՐԱՄՇԱԿՄԱՆ ԱՐՏԱԴՐԱՄԱՍԵՐԻ ԿԱՌՈՒՑՄԱՆ, ԱՆԱՍՆԱՇԵՆՔԵՐԻ ԿԱՌՈՒՑՄԱՆ, ՎԵՐԱԿԱՌՈՒՑՄԱՆ ՈՒ ՎԵՐԱՆՈՐՈԳՄԱՆ ԱՐԺԵՔԻ ՄԱՍՆԱԿԻ ՍՈՒՔՍԻԴԱՎՈՐՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Ղեկավարվելով Արցախի Հանրապետության Նախագահի 2017 թվականի սեպտեմբերի 25-ի ՆՀ-108-Ն հրամանագրով սահմանված կարգի 3-րդ կետով՝ Արցախի Հանրապետության կառավարությունը **ո ր ո շ ու մ է**.

1. Հաստատել Արցախի Հանրապետությունում սպանդանոցների, անասնաբուժական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման արժեքի մասնակի սուբսիդավորման ծրագիրը (այսուհետ՝ ծրագիր) համաձայն հավելվածի:

2. Արցախի Հանրապետության էկոնոմիկայի և գյուղատնտեսության նախարարությանը՝ (այսուհետ՝ նախարարություն) տնտեսական տարին ավարտելուց հետո՝ մեկամսյա ժամկետում Արցախի Հանրապետության կառավարություն ներկայացնել հաշվետվություն կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում հաստատման պահից:

**«Հաստատում եմ»**

**ԱՐՑԱԽԻ ՀԱՆՐԱՊԵՏՈՒԹՅԱՆ  
ՆԱԽԱԳԱՀ**

**Ա. ՀԱՐՈՒԹՅՈՒՆՅԱՆ**

## Ծ Ր Ա Գ Ի Ր

### **ԱՐՑԱԽԻ ՀԱՆՐԱՊԵՏՈՒԹՅՈՒՆՈՒՄ ՍՊԱՆԴԱՆՈՑՆԵՐԻ, ԱՆԱՍՆԱԲՈՒԾԱԿԱՆ ՄԹԵՐՔՆԵՐԻ, ՀՈՒՄՔԻ ՎԵՐԱՄՇԱԿՄԱՆ ԱՐՏԱԴՐԱՄԱՍԵՐԻ ԿԱՌՈՒՑՄԱՆ, ԱՆԱՍՆԱՇԵՆՔԵՐԻ ԿԱՌՈՒՑՄԱՆ, ՎԵՐԱԿԱՌՈՒՑՄԱՆ ՈՒ ՎԵՐԱՆՈՐՈԳՄԱՆ ԱՐԺԵՔԻ ՄԱՍՆԱԿԻ ՍՈՒՔՍԻԴԱՎՈՐՄԱՆ**

#### **1. ԸՆԴՀԱՆՈՒՐ ԴՐՈՒՅԹՆԵՐ**

1. Սույն ծրագրով կանոնակարգվում են Արցախի Հանրապետության տարածքում սպանդանոցների, անասնաբուծական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման արժեքի մասնակի սուբսիդավորման հետ կապված հարաբերությունները:

2. Սույն ծրագրում օգտագործվող հիմնական հասկացություններն են՝

1) **հայտադրու՝** սպանդանոցների, անասնաբուծական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման նպատակով նախարարություն դիմած ֆիզիկական կամ իրավաբանական անձ.

2) **սպանդանոց՝** համապատասխան սարքավորումներով կահավորված շինություն (Լեռնային Ղարաբաղի Հանրապետության կառավարության 2012 թվականի սեպտեմբերի 5-ի N 615-Ն որոշման 24-րդ կետի պահանջներին համապատասխան), որտեղ գյուղատնտեսական կենդանիներին ենթարկում են սպանդի՝ որպես արդյունք՝ նրանցից ստանալով միս և սպառողական այլ մթերքներ (կաշի, բուրդ, եղջյուրներ, սմբակներ և այլն): Սպանդանոցներում սպանդի ենթարկվում են գյուղատնտեսական կենդանիների հետևյալ հիմնական խմբերը՝ խոշոր և մանր եղջերավորներ, խոզեր և ձիեր.

3) **անասնաբուծական մթերքների, հումքի վերամշակման արտադրամաս՝** համապատասխան բաժանմունքներով կահավորված շինություն, որտեղ իրականացվում է անասնաբուծական մթերքների, հումքի վերամշակում.

4) **վերամշակում՝** տեխնոլոգիական գործընթաց, որի արդյունքում զգալիորեն փոփոխվում է անասնաբուծական մթերքի և հումքի ֆիզիկական և (կամ) քիմիական կազմը, ներառյալ վերամշակման արդյունքում ստացվող կողմնակի արտադրատեսակները.

5) **անասնաբուծական մթերքների, հումքի վերամշակման արտադրամասի կառուցում՝** առաջադրանքի հիման վրա շենքի կանգնեցում՝ նոր հիմքերով և

համապատասխան կոնստրուկտիվ տարրերով, անասնաբուժական մթերքների, հումքի վերամշակման նպատակով կահավորված համապատասխան սարքավորումներով և գույքով.

6) **անասնաշենքի կառուցում**՝ առաջադրանքի հիման վրա նոր շենքի կանգնեցում՝ նոր հիմքերով և համապատասխան կոնստրուկտիվ տարրերով, գյուղատնտեսական կենդանիների բուժման նպատակով կահավորված համապատասխան սարքավորումներով և գույքով.

7) **անասնաշենքի վերակառուցում**՝ առկա շինության կոնստրուկցիաների որոշակի փոփոխությամբ վերականգնում, վերաձևում և վերաշինում՝ գյուղատնտեսական կենդանիների բուժման նպատակով.

8) **անասնաշենքի վերանորոգում**՝ գյուղատնտեսական կենդանիների բուժման նպատակով նախատեսված շինության նորացում, բարեկարգում և բարելավում ներքին փոփոխություններով՝ օգտագործելով նոր շինարարական նյութեր և սարքավորումներ:

## **2. ՍՈՒՐՍԻԴԱՎՈՐՄԱՆ ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ**

3. Արցախի Հանրապետության տարածքում ֆիզիկական կամ իրավաբանական անձանց կողմից սպանդանոցների, անասնաբուժական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման համար սահմանվում է սուբսիդավորում՝ սեփական ֆինանսական միջոցներով սպանդանոցների, անասնաբուժական մթերքների, հումքի վերամշակման արտադրամասերի, անասնաշենքերի կառուցման արժեքի 50 տոկոսի չափով, իսկ անասնաշենքերի վերակառուցման ու վերանորոգման դեպքում՝ արժեքի 30 տոկոսի չափով, բայց ոչ ավել քան՝

1) սպանդանոցների, անասնաբուժական մթերքների, հումքի վերամշակման արտադրամասերի կառուցում՝ 30 000 000 ՀՀ դրամը.

2) անասնաշենքերի կառուցում՝ 40 000 000 ՀՀ դրամը.

3) անասնաշենքերի վերակառուցում ու վերանորոգում՝ 15 000 000 ՀՀ դրամը:

4. Սույն ծրագրով նախատեսված սուբսիդավորումը ստանալու նպատակով հայտատուները նախարարություն են ներկայացնում դիմում-հայտ՝ համաձայն N 1 ձևի:

5. Նախարարություն ներկայացված դիմում-հայտերի ուսումնասիրման նպատակով Արցախի Հանրապետության էկոնոմիկայի և գյուղատնտեսության նախարարի հրամանով ստեղծվում է հանձնաժողով:

6. Հանձնաժողովը տասնհինգօրյա ժամկետում ուսումնասիրում է ներկայացված փաստաթղթերը, ստուգում հայտատուների կողմից ներկայացված տվյալները և տալիս եզրակացություն: Դրական եզրակացություն ստացած հայտատուները պարտավորվում են 30 օրվա ընթացքում ներկայացնել նախագծանախահաշվային փաստաթղթերը:

7. Հայտատուի պատվիրած և նախարարություն ներկայացված փաստաթղթերը ենթարկվում են փորձաքննության՝ Արցախի Հանրապետության պետական բյուջեով այդ նպատակով նախատեսված միջոցներով:

8. Նախարարությունը փորձաքննություն անցած նախագծանախահաշվային փաստաթղթերի հիման վրա ընթացքավորում է գործընթացը:

9. Նախարարությունը՝ հիմք ընդունելով սույն ծրագրի 8-րդ կետը՝ կազմակերպում է մասնագիտական որակավորում ունեցող անձի կողմից պայմանագրային հիմունքներով օբյեկտի շինմոնտաժային աշխատանքների նկատմամբ տեխնիկական հսկողության ծառայության մատուցումը՝ Արցախի Հանրապետության պետական բյուջեով նախատեսված միջոցներով:

10. Նախարարությունը սպանդանոցների, անասնաբուժական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման նպատակով նախարարություն դիմած հայտատուների հետ կնքում է համապատասխան պայմանագրեր:

11. Սպանդանոցների, անասնաբուժական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման աշխատանքների ավարտից հետո հայտատուն նախարարություն է ներկայացնում՝

1) գրություն շինարարական աշխատանքների ավարտման մասին.

2) կատարողական ակտեր.

3) թաքնված աշխատանքների ակտերը և նկարների էլեկտրոնային տարբերակը՝ սկավառակի վրա:

12. Սպանդանոցների, անասնաբուժական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման աշխատանքների ավարտից հետո նախարարությունը, անասնաբուժասանիտարական, շինարարական ու բնապահպանական պահանջների պահպանմամբ կառուցելուց հետո, փոխհատուցում է արժեքի համապատասխան մասը:

13. Արցախի Հանրապետության տարածքում սպանդանոցային գործունեությամբ, անասնաբուժական մթերքների և հումքի վերամշակմամբ տասնհինգ տարի չգբաղվելու, իսկ անասնաշենքերը յոթ տարի նպատակային չօգտագործելու դեպքում՝ արժեքի սուբսիդավորված մասը ենթակա է վերադարձման Արցախի Հանրապետության պետական բյուջե երեք ամսվա ընթացքում:

14. Սույն ծրագրի շրջանակներում սպանդանոցները, անասնաբուժական մթերքների, հումքի վերամշակման արտադրամասերը, անասնաշենքերը օտարելու դեպքում, պարտադիր պայման է հանդիսանում համապատասխան պայմանագրի կնքումը՝ նախատեսելով սույն որոշմամբ սահմանված հայտատուի պարտավորությունների փոխանցումը նոր սեփականատիրոջը:

15. Սպանդանոցների, անասնաբուժական մթերքների, հումքի վերամշակման արտադրամասերի կառուցման գործունեության վերաբերյալ հայտատուները պարտավոր են յուրաքանչյուր ամիս, մինչև տվյալ ամսվանը հաջորդող ամսվա 10-ը, նախարարություն ներկայացնել հաշվետվություն՝ նշելով արտադրության ծավալների մասին:

16. Սպանդանոցների, անասնաբուժական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման գործունեության ժամանակավոր դադարեցման դեպքում՝ հայտատուները պարտավոր են գրավոր տեղեկացնել նախարարությանը:

17. Նախարարությունը համակարգում և վերահսկողություն է իրականացնում գործընթացի նկատմամբ:

### **3. ՄՇՏԱԴԻՏԱՐԿՈՒՄԸ**

18. Սույն ծրագրի շրջանակներում մշտադիտարկումն իրականացվում է նախարարության միջոցով:

19. Նախարարությունում ձևավորվում է վիճակագրական տվյալների բազա:

20. Խախտումների և կեղծ տեղեկատվության ի հայտ գալու դեպքում՝ հայտատուն սույն ծրագրի 13-րդ կետով սահմանված ժամկետի չօգտագործված մասին համաչափ տրամադրված արժեքի սուբսիդավորված մասը պարտավոր է վերադարձնել պետական բյուջե՝ երեք ամսվա ընթացքում:

### **4. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ**

21. Սույն ծրագրի շրջանակներում միջոցառումների իրականացման հիմնական նպատակը սպանդանոցների, անասնաբուժական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման արժեքի մասնակի սուբսիդավորումն է, ինչը հնարավորություն կընձեռի բակային մորթից անցում կատարել սպանդանոցային մորթի՝ արտադրելով որակյալ և անվտանգ մսամթերք, անասնաբուծության ինտենսիվացում շուկայում՝ այն դարձնելով առավել մրցունակ:

22. Արցախի Հանրապետությունում սպանդանոցների, անասնաբուժական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման արժեքի մասնակի սուբսիդավորման գործընթացի իրականացումից ակնկալվող արդյունքներն են՝

- 1) մսամթերքի անվտանգության մակարդակի բարձրացում.
- 2) մսամթերքի արտադրության ծավալների հստակեցում.
- 3) անասնաբուծության վարման ինտենսիվ տեխնոլոգիաների ներդնում.
- 4) գյուղական վայրերում անասնաբուծության զարգացման և վերամշակման նոր ձեռնարկությունների ստեղծման համար նպաստավոր պայմանների ապահովում.
- 5) անասնաբուժական մթերքների ինքնաբավության մակարդակի բարձրացում:

Արցախի Հանրապետության Էկոնոմիկայի և  
գյուղատնտեսության նախարարություն

Դ Ի Մ ՈՒ Մ - Հ Ա Յ Տ

Դիմող \_\_\_\_\_

(Ֆիզիկական կամ իրավաբանական անձ)

Բնակության վայրը (գտնվելու վայրը)

հեռախոսահամարը \_\_\_\_\_

Անձնագրի և հանրային ծառայությունների համարանիշի

կամ սոցիալական քարտի համարը (պետական գրանցման կամ հաշվառման

համարը) \_\_\_\_\_

Գործունեության իրականացման վայրը \_\_\_\_\_

Գործունեության իրականացման տեսակը

Դիմում եմ Ձեզ «Սպանդանոցների, անասնաբուծական մթերքների, հումքի վերամշակման արտադրամասերի կառուցման, անասնաշենքերի կառուցման, վերակառուցման ու վերանորոգման արժեքի մասնակի սուբսիդավորման» ծրագրի համաձայն սուբսիդավորել արժեքի համապատասխան մասը:

Դիմում-հայտին կից ներկայացնում եմ հետևյալ փաստաթղթերը՝

- Ֆիզիկական անձի անձնագրի և հանրային ծառայությունների համարանիշի կամ սոցիալական քարտի պատճենը,
- իրավաբանական անձի (անհատ ձեռնարկատիրոջ) պետական գրանցման (հաշվառման) վկայականի պատճենը,
- գործունեության իրականացման վայրի նկատմամբ իրավունքը հաստատող փաստաթղթի պատճենը (առկայության դեպքում):

Ներկայացված փաստաթղթերը ենթակա չեն վերադարձման:

Ներկայացված տեղեկությունների իսկությունը հաստատում եմ՝

(ստորագրություն, անուն, ազգանուն (իրավաբանական անձի անվանում))

« \_\_\_\_ » \_\_\_\_\_ 20 թ.

Կ.Տ.

ԱՐՑԱՒԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ  
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ  
ԿԱՌԱՎԱՐՉՈՒԹՅԱՆ ՊԵՏ

Ա. ԼԱԶԱՐՅԱՆ



